



續國雅卷三

勾吳顧起綸玄言選

成僉憲

名始終字敬之無錫人成化間湖廣僉事

紫騮馬

紫騮馬嘶且驕碧玉轡黃金鑣少年騎馬從行伍逸氣不減丁都護十五離鄉八十餘願得投身報明主

真武山

石闌橋畔碧雲遮玄帝旌旗望眼賒古洞龍歸風滿樹鬱臺仙去雨飛花九還長煉爐中藥五色曾飡海上霞擬約道人騎白鶴吹笙同謁太清家

陳工部

名勉字進之號秋林無錫人成化間南京工部員外

過江

揚舲曉度大江濤江水滔滔自古今
野草不關興廢事閒鷗應笑利名心
海門風起潮聲急沙嶼雲橫鴈影沈
翹首故園三日路且謀樽酒破愁吟

錢偃師

名綱字孝常號樂聞無錫人成化間偃師知縣

蘇子遊赤壁

載酒來遊赤壁磯月明烏鵲夜南飛
披圖遙想人何在山水依然澹夕暉

夏評事

名鏃字德樹號赤城天台人成化間南京大理評事

秋日閒居

涼風起西北出郭吹衣裳一水曉光澹
羣山秋靄蒼送客遠行邁於此集華觴
悠悠獨來歸山水意空長

祭畢還宿昌平

燭影瑤齋寂人聲出翠微風吹陵栢轉
月照祀臣歸山海從龍蟄雲沙信馬飛
雞鳴尋舊館假寐待朝暉

岳太守

名正字季方號蒙泉灤縣人成化間知府

短短牀二首

短短牀太局促徒能坦郎腹未得展
郎足縱郎有意爲合歡牀短安能薦
郎宿

太踣促短短牀流蘇苦不長
蘭麝無馨香郎欲招妾妾
不來可憐春色無輝光

張訓導 名注字時雨崑山人成化間訓導

有感

勸君莫惜鬢毛斑鬢到斑時亦自難
多少紅顏年少子
朔風吹上北印山

沈處士 名周字啓南長洲人隱於成正間

從軍行

馬上黃沙拂面行漢家何日不勞兵
匈奴久自忘甥舅
僕射今誰托父兄雲外旌旗婆勒渡
月中刁斗受降城

左賢蚤待長繩縛莫遣論功白髮生

程學士 名敏政字克勤休寧人成弘間翰林學士

和蕭文明給事元日蚤朝

綵鞭聲裏曙鴉稀劍珮森森拱太微
日射御牀明繡袞
雲回鑿輅見青旂鴻臚立仗傳三呼
馬監隨班鞚六飛
曾記昔年叨侍從起居長許近皇闈

張南安 名弼字汝弼華亭人成化間南安知府

方文美畫

花落春歸客未歸仲宣樓上倚斜暉
故園遙在三江外
綠遍靡蕪燕子飛

絡緯不停聲從昏直到明不成一絲縷徒負織作名蜘蛛聲寂寂吐絲復自織織網網飛虫飛虫足充食事在力為不在聲思之令人三太息

王文恪

名鏊字濟之吳縣人成正間官少保戶部尚書無武英殿大學士諡文恪

棄婦怨

妾命薄妾命薄妾命自薄君不惡玉顏自昔誤主恩得奉餘光侍帷幄兔絲橫倒附青松豈謂青松久難托前時糟與糠妾與君同怡今日梁與肉知君歡對誰君如大江水妾如水底石江水日夜流不回石抵狂瀾終不易哭城城亦圯灑竹竹亦斑土木猶可感君心終不還妾命薄妾命自薄君不惡

林司寇

名俊字待用莆田人成正間太子太保刑部尚書

次漢詩

沅湘日夜流蕙蘭委秋草採芳江上船欲往忘故道長風起天末湖水白浩浩咫尺不可隨思君令人老

題畫

雨黑重山水半渾萬松深處幾家村石牀懶慢無官府落盡山花不出門

史明古

名鑑字明古吳江人

送人遊維揚

憐君失意向天涯
雨歇紅亭日已斜
對酒不須嗟往事
渡江知是客誰家
孤城猶帶邗溝月
四海空傳後主花
莫過雷塘弔陳迹
只今殘柳尚啼鴉

懊惱曲

行路莫行遠
看花莫看遲
花遲少顏色
路遠長別離

塞下曲

城下黃河城外山
羌兒騎馬唱歌還
磧西亦有閒花草
不信春風不度關

彭文思

名華字彥實安福人成化間尚書無大學士諡文思

明妃曲

抱得琵琶不忍彈
胡沙獵獵雪漫漫
曉來馬上寒如許
信是將軍出塞難

王給事

名徽字尚文南京人成化間官刑科給事中

舟中雨夜聞鴈

羣鴈來何晚
寒聲度遠空
淒涼因帶雨
悲咽為兼風
獨客雙垂淚
孤舟半捲篷
如何愁不寐
聞爾寂寥中

陳翰林

名獻章字公甫號白沙新會人成弘間官翰林檢討

圭峯閣

勝處不在遠
杪杪何處尋
步崖碧澗落
眠石青松陰
地

小滄溟入山高鴈鷺沈此時閑佇望誰識倚闌心

感劉琨與盧諶事

越石信英臣子諒亦文雅生遭晉運微奔走風塵下晉
陽笑明月胡雛夜回馬并州困石勒從事為別駕成敗
非所論吾憐鑿坏者

弔崖山大忠祠

天王舟楫浮南海大將旌旗仆北風亂世英雄終死國
時來胡虜亦成功身為左衽皆劉豫志復中原有謝公
人衆勝天非一日西湖雲掩鄂王宮

聶掌教

名大年字壽卿臨川人
正統中仁和縣教諭

過揚州

錦帆三月下江都試問瓊花尚有無煬帝行宮秋寂寞
廣陵煙樹晚模糊春風紫陌尋芳地落日青帘賣酒壚
二十四橋今夜月清光偏照客心孤

黃長樂

名瑜字廷美香山
人成化間長樂知縣

貞燕謠

元元貞二年雙燕巢于燕人湯佐之宅一
夕家人舉燈照蠅驚墜猶食之雌彷徨悲
鳴不已朝夕守巢哺諸雛成翼而去明年雌獨
來復巢其處人視巢生二卵疑其更偶徐伺之
則抱獨之殼爾自是春去秋來
凡六稔觀者譁然目為貞燕

貞燕貞燕影皇皇尾涎涎去年雄共棲今年雄不見深
沈簾幙花隨風空梁獨宿思故雄何人並卧氍毹月羅

黃長樂

續國雅卷三

六

袂鸞篔花影中

烈鴛謠

成化六年十月淮安鹽城大蹤湖漁人見鴛鴦交飛獲其雄烹之雌戀戀飛鳴竟投沸湯中而死漁人悲其意為棄羨不食余稱之曰烈鴛

烈鴛可悲雄已死雌依依寧同鑊中烹不向湖上飛
來相隨不相舍如今奮翅同所歸何事楚宮嬌不語
露桃脉脉東風裏

吳彥貞

名世忠字彥貞不詳里

效唐體賦宮人入道

詔辭禁苑拜金鑾換却宮妝戴玉冠碧落有時應跨鶴
瑤臺無夢更驂鸞羽衣振雪春雲靄仙佩披香夜月寒

幾度步虛銀漢上雍容猶對御前歡

陸太常

名鉞字鼎儀太倉人成化間太常少卿

瓊林醉歸圖

金羈細馬出明光碧色羅衣錦繡香行過玉河三百騎

少年爭說李東陽

同年二百五十人東陽年十七最少

次韻酬蕭給事中顯元日蚤朝

霧起晨星覺漸稀五門風動曙光微紅燈詔樂香生座
絳節排衙影綴旂四海車書今日會九天膏露一時飛
欲知獻納歸函處共識蕭郎在瑣闈

儲文懿

名巖字靜夫泰州人成弘間官戶部侍郎諡文懿

登雄縣城樓

高秋愜登眺平楚動悲歌樓櫓何年廢前朝爭戰多雲
間青海戍塵淨白溝河翻笑咸平際金繒滿塞駝

席上賦史巽仲歸雲洞

悠揚滿洞中歸來不知處曉起語農人春田夜多雨却
問洞中雲何時下山去

方瓊州

名向字與義桐城人
成化間瓊州知府

山中雜詠

薄雲不成雨山月有餘白月光墮尊酒照見我顏色舊
交日已遠芳時坐來歇惆悵平生懷今夕竟河夕

都太僕

名穆字玄敬蘇州人
弘嘉間太僕少卿

渡桑乾

西風蚤蕭蕭催我玄鬢皤祗役發皇邑川原屢經過金
龍池畔水演作桑乾河東馳入滄海浩蕩成洪波誰知
稽天流發源始盈科覽茲感幾事防微當若何

王方伯

名尚綱字錦夫號蒼谷河南
郊縣人弘正間官浙江右轄

贈李解元行

易水蕭颺處秋風聽短吟雲來村樹暝蟲響豆花深舊
篋猶懸劍高齋已罷琴留君渾未得寂寞數年心

秦封君

名旭字景暘號修敬無錫
人成弘間封武昌知府

都太僕

王方伯

讀國雅卷三

送人還京

青楓江上葉蕭蕭
汴水淮雲去路遙
宮燭漸低鄉夢斷
家山將近客愁消
霜寒鐵甕秋聞柝
月落揚州夜聽潮
厚祿故人如我問
白頭甘作惠山樵

春江詞

春江煙鎖垂楊線
春江雨濕桃花片
江頭女兒朝浣紗
水中照見芙蓉面
畫船雙槳聲嘔啞
驚得鴛鴦起暖沙
餘情願托春波去
遲遲流向花邊住

寒夜獨坐有感

短髮飄蕭手自籠
妄心如瘕坐來空
敢從洛下攀諸老

擬向淮南訪八公
墨色暖浮詩卷黑
花枝晴照酒缸紅
別來蹤跡君休問
多在青山白社中

秦端敏

名金字國聲號鳳山無錫人弘嘉間太子太保南京兵部尚書諡端敏

吳山高贈盛斯徵

吳山高峩峩奇峯半空起
下視渺八荒周道坦如砥
峯高誰能攀道坦吾欲履
君心豈好異隨時耻風靡
俯仰穹壤間內顧在無愧
一官之安寧萬里猶尺只
搗謙仍有光遇坎諒須止
古人多玉成天意固如此
仗劍尊酒前翻為別離喜

楚雄拜武侯祠

天入滇南路轉西武侯祠宇重標題池龍得雨春先奮
石馬迎風夜欲嘶指點邵城空鬼蜮氣吞吳海失鯨鯢
楸梧洒遍英雄淚讀罷殘碑落日低

秦通參

名瀚字叔度號從川無錫人嘉靖間封通政司參議

飛來峯

高崖幽壑小天台石洞穿雲面面開海上蓬萊應角勝
奇峯夜半忽飛來

山成閒庭

疊石栽花偶作山登臨無藉薜蘿攀孤亭高樹塵囂外
獨坐渾消白晝閒

花徑風晴步履徐雨窗小几坐攤書陰晴不定吾何問
一任浮雲自卷舒

調鹿

為調雙鹿築平臺漸見相依不見猜野性何時都脫去
竹邊林下共徘徊

莫文學

名止字如山號南沙無錫人弘嘉間邑廩庠生

古意

故人遠馳使餽我雙鯉魚烹魚問起居不見尺素書應
是衷情多把筆不成題綢繆故人意久為故人期兩心
如相知豈待覩縷辭兩心不相知對面隔九疑寘魚坐

長歎河水正東馳

謝文肅

名鐸字鳴治號方石黃巖人弘治間禮部侍郎諡文肅

歲暮行

歲暮君莫憂歲暮君莫喜人生百歲苦不長一日愁來劇如此古來志士悲白頭一息尚存心未休達人往往亦解此秉燭欲為長夜遊歲暮君莫憂歲暮君莫喜百歲千秋共如此

晚過靜海宿流何驛

落日風初靜交河水正流居人不知姓行客且停舟青海鳥飛處白雲天盡頭相逢問前路明日是滄州

王山人

名佐字仁甫號古直黃巖人成弘間嘗遊寓京師

已丑元旦過承天門作是日大風

淡日泊在扶桑邊四山浮雲來蔽天本是陽和變殺氣發出騷土如雲煙吾皇神聖來赫怒諸公飽飯日

晏然去年五月南海翻九月三邊烽火連旅人自是丹

丘仙有懷明主徒拳拳袖中常有書一編不得去

陳徒自憐有時間天天不語仰天大笑龍樓前不如回去長安市上酒家眠明日收拾東歸理釣船

羅建寧

名柔字文徽號弦齋無錫人弘嘉間官建寧知府

西山小集和敏齋韻

王山人羅建寧

讀西佳卷三

上

小橋編竹貼溝低入畫青山滿屋西不用青娥歌艷曲
好音偏向落紅啼

荒歲耆老求上鳳山尚書

春雪消時水尚枯一編持贈大司徒漢文皇帝龍飛日
不是荒年也賜租

有感

布谷亂啼紅雨外催耕又喚綠楊中幽禽不食官倉粟
纔到農時便勸農

雜詠

絡緯振叢薄嘖嘖繰車聲雖無一絲積能令嬾婦驚君

不見東家金籠養鸚鵡學念彌陀有何補

周大叅

名在字善卿太倉人
弘正間浙江叅政

月夜聞砧

清砧搗不徹城上已鳴烏但覺寒苦近那知清夜徂聲
隨風漸迴心與月同孤繒帛年年賜軍門知散無

閨怨

江南二月試羅衣春盡燕山雪尚飛應是子規啼不到
故鄉雖好不思歸

朱吉安

名諫字君佐號蕩南永嘉人
弘治正德中官吉安知府

登白巖龍潭夜歸

春盡花無信山深客到稀夕陽還命酒細葛又裁衣樹影浮蒼靄燈花下翠微百年塵外意一醉卽忘歸

春夜獨坐

花送春香入酒甌山頭明月下簾鉤彩雲一片隨風散誰伴歌聲入小樓

顧文僖

名清字士廉號東江華亭人弘正間歷官翰林吉士禮部侍郎卒諡

錫山王應藩工真行書尤善題署余賦此贈之

王郎運筆如運帚大字如盤一揮手有時細細寫烏絲蚊脚蠅頭滿窻牖松江古志新刻成龍宮塔廟俱鐫銘凌雲巨榜專有待不學韋公白髮生

廿一日渡江

昨夜渡長淮今日渡長江長江更比長淮濶凌空自有飛鳧雙鳧雙飛風不起天清清江瀰瀰眼中不復見塵沙只有青山如畫裏青山如畫畫不如十年歸夢繞吾廬山中猿鶴休驚咤從今日日青山下

杭中丞

名淮字東卿號雙溪宏興人弘嘉間都御史

雨中登樓

節序黃梅候朝陰午不開浮雲暗山去急雨灑城來高艷紅葵濕低翻白鷺迴洗心亭只尺煙靄擁曾臺

送徐石東僉憲潮南分韻得瀟湘

瀟湘他日夢今上合江亭天濶浮吳楚山青入洞庭鷓
鴒春渺渺斑竹雨冥冥舟檝雲中見依稀帝子靈

送劉美之太守赴銅仁

園柳何青青江草萋以碧送子適萬里執手情脉脉嗟
彼雲中鴈翱翔依砂磧不為稻梁謀何以有南北努力
慎所之悠悠豈終隔

孫太守

名偉字朝望號鷺沙清江人弘正間鶴慶太守

出塞曲

路繞飛狐西心與大刀折鼓聲斷重圍斜日陰山雪陣
雲隨草低殺氣傍城結何人哭遼水水上青燐滅邊色
寒蒼茫老將節旄絕胡馬蹄足高踏冰如踣鐵露宿黃
沙戍哀笳增哽咽征人半未歸分甘死饑渴家山常在
眼莫念經年別

次養齋登城晚眺韻

臨高望原野秋色已平分狹水牽長渚孤城對晚曛川
容三日雨人語半山雲莫問漁舟笛悲舍九辯文

俞大叅

名泰字國昌號正齋無錫人弘正間山東叅政

題扇寄邊華泉二首

木葉迎風下孤亭傍水開何時尋舊約載酒過江來
灤水今無恙齊山亦自奇懷人詎敢道芳草夕陽時

朝天宮杜真人畫

亂雲閣山山欲低溪煙籠樹村欲迷鍊師採藥入雲去
樹低茅茨空鶴栖雲開須臾藥師返庭鶴一聲人意遠
本來大道自森然萬木蕭疎落霞晚

費縣口占

地湧青蓮石抱沙東蒙北枕水環衙山城誰道春來晚
開遍棠梨又枳花

徐尚書

名問字用中號養齋武進人
弘嘉間官南京禮部尚書

河西遇雪

蚤雪聞殘漏關河一鴈飛雲迴天莽蒼村遠樹依微客

子歲月晚人家煙火稀平生解時命到此莫沾衣

哭新昌尹董宗遠

萬里春猶至三江鴈不歸經年鄉信少昨日故人非單
父絃初絕河陽花漸稀寧知滄海上東望自沾衣

深青道中

漳水連城郭雲帆海錯饒瘴煙浮五嶺人語帶三苗鼠
雀風猶熾鯨鯢侵已消欲將聲教訖不惜馬蹄遙

李布政

名麟字仁仲鄞縣人
弘治間官布政使

東原爲王庭直賦

越山迢遞接蓬萊山下平原一徑開樹繞江流天外盡

張戶部
鳥分雲影日邊來東風道路迷芳草殘雪溪橋見野梅
安石未應高卧久天涯回首獨憐才

張戶部

名鳳翔字光世號伎陵漢中洵陽人有異質羞明悅暗左手作字弘治中官戶部

虞美人

帳下擊筑聽高歌漢兵四壁如網羅平生學得萬人敵
天平至此成蹉跎瞋眸虎視怒欲烈咆哮震宇翻江波
虛檐瓦水欲飛動斷虹裂石搖山河烏騅却立水花暗
白日無色愁雲多寶房腰下出長劍暗鳴叱咤陰山阿
毒涎腥吐芒碭畔先時掃蕩回天和蛇骨未朽項王死
江中水滿旋綠渦江中水滿旋綠渦秋睚血淚凋雙蛾

新安冤氣尚蟠結義帝精爽仍婆娑世間報復有定理
虞兮虞兮奈若何

宮詞

禁柳春深草色深楊花飛趁撲蟲人君王殿上宣名字
旋縮頰鴉捧絳唇

左進士

名國瓊字舜齊號中川大梁人正德中鄉進士

芳洲吟

蒿艾徒滿握不如佩蘭芷所期芳洲人弭棹在何許煙
波浩無際凝望獨延佇日暮思不來涕泣零如雨

送人遊蜀中

蜀山中開大江走洪波噴箭射京口排山轉石萬里來
瞿塘臘月聞雷吼孤舟窈窕穿雲中灩澦乃在瞿塘東
輕風送帆無遺力一日飛過峨眉峯男兒生當遊萬里
何能齷齪閨房裏君不見子長足跡天下多至今文彩
流江河

石鯨歌

漢主鑿昆明斬地巨蛇死刻石爲鯨魚揚鬣弄波水千
年往事不可還石鯨散失天地間偶從睹此異代物蒼
龍剝落苔生斑吞流吸海猶掀口耳邊彷彿驚雷吼白
晝煙昏風雨來只疑拔起橫天走君不見銅駝已沒荆

棘中金莖蕩折今成空古時故物盡陳迹石鯨何用悲
秋風

王太僕

名韋字欽佩金陵人
弘正間太僕少卿

和韻送邊華泉進表北行

夜泊龍江上孤舟寒未開月從京口沒潮自海門迴
喜朋簪合終妨宦轍催幽燕與河汴深負十年杯

新嘉驛遇顧九和

下馬郵亭若有期南還北去各淒其殷勤野老來相饋
邂逅壺漿坐不辭雪滿郊原埋宿草風吹林麓墮寒枝
十年離索驚回首却恨逢君是路岐

柳枝詞

却笑梁園事已非
梁王去後燕空歸
可憐園上多情樹
風絮紛紛學雪飛

王處士

名逢元字子新
即太僕公子

對酒

抱病逢春亦暫歡
芳時對客更加餐
即看乳燕雙雙入
無那飛花片片殘
潦倒不忘桃葉句
蕭閒應戀竹皮冠
莫論往昔清狂事
且醉荒亭首宿盤

汎舟

五月浪平江可憐
諸公容與共樓船
得隨莊叟逍遙興

來醉襄王玳瑁筵
紫袖不離垂柳下
青山只在把杯前

君看走馬長安道
此日飛塵正滿顛

陸文裕

名深字子淵號儼山上海人
弘嘉中官詹庶侍講學士

春山辭贈別何舍人仲默

登長坂望故都
辭帝閣兮南鶩渡河梁
兮春波時一去
今難再怨芳歲
兮蹉跎赴山靈兮夙約返初服
兮葍羅林深兮春暮
草靡兮雲和猿避席兮空谷
樹開障兮崇阿左蘭兮右芷
牽芙蓉兮輦蘿聊徜徉兮寤歎
澹容與兮嘯歌望佳人兮不可即
眇千里兮傷如何

分金行

古人重結交何必千萬人一一苟知己安得各許身嗟
哉管鮑交跡遠心逾親後來相齊功寧令負分金

王昭君

却抱琵琶別漢宮長城萬里戍樓空一身遠嫁從明主
半面新妝付畫工雲外不殊青瑣月塞前初緊黑山風
異鄉景物新相識無限悲歡曉角中

迴鑾歌

御筆分程意最深相兼七日到河陰凡情猶自思鄉急
何況君王社稷心

呂禮侍

名柟字仲木高陵人正嘉間南京禮部侍郎

遊郊東道院

尋幽過道院曉霧縮珠林小徑蒼苔合層軒翠竹深南
山長對面渭水更關心遮莫花深處風前百鳥音

周襄敏

名金字子庚號約菴武進人正嘉間南京戶部尚書諡襄敏

遊龍興寺

鳳里山河麗龍岡歲月長峯霞通禁苑池柳拂宮墻月
殿檀爲柱雲房栢作梁松杉森掩靄鐘磬渺微茫水外
青蘿幕花間白石牀人疑逢鴈蕩僧似隔瀟湘白鶴閒
盤繞遷鶯獨振揚御題山第一恩許地無疆俛仰悲朱
栢消沈憶畫廊玉泉螭並吐珍果鳥先嘗暫弭洪波棹

同停紫陌韁開尊臨貝閣張樂向金堂談讌清風起追
 隨落照黃背巖巡鳥道隔岸沮牟腸萃嶽齊喬岳紆徐
 擬太行氤氳增翠靄寥廓敞青陽解后衣冠會飛揚翰
 墨場迂踈慙授簡瀟灑謝成章道合情逾洽形忘興匪
 狂共期登瑞塔直欲上慈航靈跡雄三楚英標盪百王
 浮生虛垢滅樂土恣徜徉冀北心千里江南夢十霜自
 憐緣業淺敢謂股肱良奔走遵前路勲名付太常悠然
 發長嘯空色兩相忘

周尚書

名用字行之號白川吳江人正嘉間吏部尚書

送徐明府

廿載相逢地山陽我白頭雙魚思遠客五馬得諸侯落
 日秋懷迴迴燈夜語幽孤颿湖上水幾日過高郵

蕭憲副

名世賢字若愚桐城人弘治間按察副使

雨中舟行懷可泉

湖海斯人在遲回歲月移青山吳下夢細雨越中詩杉
 渚相逢處蘭橈獨去時春來思載酒雪上欲相隨

段主政

名金字子辛號石菴武進人正嘉間官戶部主事

為子良題畫寄張文洲

迢迢江上洲歷歷沙中樹煙嵐半有無帆檣自來去佳
 人阻良靚寒暑倏已屢緘題寄天末孤鴻渺何處

失題

東風新水滿城陰
落日飛花亂客心
千里夢魂京國遠
十年情事酒杯深
紫泥香暖看裁詔
玉局書成有賜金
多病不堪還此別
江干芳草獨沾襟

戴刑部

名欽字時亮柳州人弘正間刑部郎中

明妃怨

自倚顏如玉誰知畫失真
却憐胡地妾虛作漢宮人
淚泫龍沙月魂棲鳳輦
塵翻思兩黃鵠連翼上林春

歸鴈

避雪衝寒去
乘春帶暖歸
天空連陣遠
月落度關微
乍

見經年改頻聞怪信
稀征人鄉思苦莫傍戍樓飛

曉坐

披衣坐清曉
夜氣湛虛清
萬慮寂回照
五雲輝廣庭
花月在簾鈎
晶晶玉樹明
宿雨尚未霽
冥鴻遠蜚征
物從元化定性以玄感
精方悟靜理妙始忻
隱者貞從茲謝
世界超然得無生

錢文學

名文字章靖號希翁別號鶴叟無錫人弘治間廩庠生

湘江晚翠

湘江萬竹不堪剷
九疑墮馬髻
新綰堯皇女兒歸
不歸鷓鴣千聲時
一飛春泥滑滑客未返
雨暗雲深水亭晚

顧同府

顧同府

名彥夫字成美號錫巖無錫人嘉靖中寧波府同知

申生怨

兒歸昨兮姬有為姬置毒兮父不知兒白兒冤兮父應
信姬兒避兒難兮父將兒追兒如不死兮戮先兒及父
如戮兒兮兒為父惜地之墳兮父或平之犬之斃兮姬
或矜之地墳兒斃誰念誰瘞嗚呼皇天兒何為而然

呂公

相法如公妙入神預知天子在風塵如何不識閨中女
却是傾宗滅族人

胡中丞

名纘宗字世甫一字孝思號可泉泰安人正嘉間官副都御史

寒山寺

牢落寒山寺鐘聲自往年海風臨客枕江火傍魚船不
聽禪心寂偏聞旅思懸誰家絃管急歡笑玉樓邊

援琴

援琴坐草堂吾意在山水况復對鐘期一唱何能已嗟
嗟季世音流蕩伊誰始

開元寺聞鐘

開元半夜鐘驚起長安夢彤墀樹色寒紫陌春風動

周諫議

名祚字天保號定齋山陰人正嘉間官諫議

贈皇甫子浚二難南還

周諫議

讀國作

三

周山人
旋車陳廣路憶念當掖垣子來詎幾時朱華冒芳園歡
樂不復展羽觴阻飛翻鬱此良友義行將迴華軒蓬麻
世有諭金蘭夙所敦毋令惜來翰令我心勞煩

小院

一自辭青瑣多年就野居丘園但高枕門巷絕來車渠
水時翻石山雲日傍廬拾遺多意緒爭說灑西如

周山人

名沛字允大號
浮峯諫議子

詠潮

霽雨添江漲秋潮遲午期一絲生海岸萬馬驟天池高
簇冰山碎橫分玉練垂遙遙去無際日夜泣鴟夷

朱福州

名豹字子文上海人
正德間福州知府

遊觀音山寺

青山低處寺門開一派寒泉樹裏來遙指前峯拂衣去
嘯聲還在白雲隈

王僉事

名謳字舜夫陝西白水人
正德間山西僉事

送劉伯翔北上

徵君北上棗秋發汶水安流接潞河鳳遶龍吞三殿遠
辰輝日射五雲多紫泥夜下傳天語錦樹霜清和玉珂
佇看飛騰湏蚤入功名四十未蹉跎

將軍曲

胡騎千羣聚野營將軍騎馬出邊城陣前血劍橫相向
塞外從今識姓名

遊淮曲

高捲珠簾白玉鈎吳歌楚舞幾時休市橋燈火三更夜
客醉歸來月滿樓

謝處士

名承舉字子象號野全子上元人

吳歌

秦淮女兒歌柘枝隔淮吳兒唱新詞聲聲互荅綠楊裏
正是離人腸斷時

南浦

江流入南浦浦上有高亭日日送行客年年芳草青

謝學憲

名少南字應午號與槐處士子嘉靖中陝西學憲

飛來峯

絕壑分靈境諸方闢洞門瑤華寄僧臘石乳倒天根乍
喜傳聲應還迷仄徑繁喧喧人代裏疑有兩桃源

靈隱寺

紅樓正背北高峯猶說開堂舊法宗雨後殿陰生薜荔
雲銷山色見芙蓉長松不斷飄天籟空谷偏宜聽暮鐘
莫上冷泉嗟往事殘碑新什草蒙茸

入均陽

平野連山入寒嘶帶卽流賈人陽翟市故吏潁川侯積
雪明郊隴飛霞結邸樓向來豪俠氣銷歇已千秋

錢臨江

名琦字公良號東畬海鹽人正德間官臨江知府

詠大夫嶺

嶺上蒼松樹高高倚石巖如何千載下猶帶舊秦銜

訪玉芝禪師不遇

有約來過長者園水光山色繞孤村白雲不解道人意

日斜猶鎖松間門

宿大市遇呂仲木年兄

白雪迷清曉山原入望賒馬頭尋轍迹渡口問人家野

屋村村火寒溪樹樹花尊前有知己沽酒一停車

過滁州

江北滁南數日程蕭蕭落木送秋聲夕陽滿地鳥飛絕
人在亂山堆裏行

薛隱君

名章憲字堯卿號浮休江陰人隱于弘正間

遊張公洞

東家蹇驢許借我薄暮結客山中來有時山鳥獨自語
無數野花相映開側身蟻行入窸窣累足魚貫攀崔嵬
僕夫起餐覓歸路已去難忘首重回

爛柯處

西風涼生琪樹秋絕壑萬仞煙霞浮橘中二叟今安在
一枰白黑空成丘千年往事已塵迹巖下無人水自流

敖方伯

名英字子發號東谷清江人正德間河南右轄

長干行

鳴嘴岸低春水滿水邊膩綠蒲芽短誰家兒女採蒲芽
鬢溜寶釵金鳳斜娉婷自信心如鐵坐閱江流千萬折
歸來結鏡思獨苦露滴風簷月亭午

擬長信宮詞

春雨霏霏春草短落絮飛花春不管珠簾閒捲珊瑚鈎
南雲望斷龍旂遠飛龍凌波百靈從蕭蕭陵木搖悲風

更聞較獵觀成功妾身恨不當前熊孤燈掩映百憂集
歷歷羅縠淚痕濕監宮夜半伏青蒲又報遼陽羽書急
暑風亭餞

石城上有清涼山暑風亭瞰山之曲攀雲與子偶同遊
浩蕩憑虛恣延矚蕭蕭落木動寒聲隱隱迴汀帶殘旭
陰崖黑深山鬼啼老藤盤拏如縛屋六朝遺跡不可尋
長干冥冥花若沃古往今來感慨多閒情且付尊中綠
明朝子上鄱湖船桃葉渡頭濯雙足

劉司馬

名儲秀字士奇咸寧人正嘉間兵部尚書

酬馬戶部雨中送別

老去江鄉會馬卿那堪別路雨猶鳴年華冉冉嗟何待
世事悠悠話未成江上黃蘆鴻鴈影山前紅槿鷓鴣聲
亦知不是悲秋客笑問如何太瘦生

唐進士

名寅字伯虎號六如居士
長洲人弘治中南畿解元

觀鰲山

仙殿深巖號太霞寶燈高下綴靈槎沉香連理三珠樹
綵結分行四照花水激葛陂龍化杖月明緱嶺鳳隨車
簫韶沸處開宮扇法仗當墀鴈隊斜

楊禮部

名循吉字君謙號南峯長洲人
成嘉中禮部主政有松籌集

酷吏行

酷吏面上無慈色手中非法提三尺怒肉橫生髯奮張
高呼拍案氣揚揚鞭笞在前視如戲人血縱橫流滿地
水浸生荆尚怪輕銅包大杖猶嫌細貧窮百姓真可憐
每每見官多被鞭忍饑忍痛哭向天公人更覓行杖錢

錢處士

名高字景旻號古山即優
師季子正嘉中隱泰定里

夏日書懷次韻

衡門掩白晝芳樹藹清陰嘉此委巷寂而無車馬音梁
空雙燕入徑僻落花深頗慕羲皇叟悠然上古心

同顧丈塘栖道中

行行越水西萬井古塘栖野曠晴翻燕村深午報雞潭

續國雅卷之四
間漁習集雲際客帆迷千里同游興王孫草正萋

續國雅卷之四

勾吳顧起綸玄言選

潘司空

名恩字子仁號笠江上海人
嘉靖間官司空兼掌臺憲

洞門寺次韻

駐節空王地沿迴碧水灣
虛堦沈貝葉懸牖納青山
石陡川如瑛崖通路若環
坐來何所見時有白雲還

西蘆辭

淞之西兮維水湯湯蘆蒼蒼
兮白露爲霜幽人處兮水
中央芝爲室兮荷爲裳
音寥泝兮琴瑟夢上古兮羲黃
樓子石

曼磴鬱稜層日夕籠雲氣天迴石鏡光風捲珠簾沸仙人好樓居飛軒下來未

許太常 名穀字仲貽號石城上元人嘉靖間官南京太常少卿

叨轉出京辱謝陳二子贈詩次答

間官仍故里謬此拜殊恩暫別雙瓊樹遙辭五鳳門贈言揮麗藻出餞枉高軒預想還家日蓬蒿正滿園

詠虞美人花

一種嬋娟色迎風舞力微直須將豔質繡入美人衣

潞河道中寄都下諸君

長河南下客程遙北望燕山翠不消散吏衣冠今故國

美人簪珮總丹青風前驛樹枝搖落天外江鴻影寂寥

何日金門還曳履雲中重聽奏蕭韶

馮太守 名世雍字子和號三石江夏人嘉靖間徽州知府

赴滇南煙莊道中

碧漢千峯合黃茆一徑開馬從危石渡人向亂山來樹

溟溪光濕雲寒鴈陣哀漫停湘浦駕遙望漢江臺

顧廉訪 名夢圭字武祥號雍里崑山人嘉靖間福建按察使

送吳山人遊浙東用天台賦中語

徵奇憶康樂摛藻懷興公瓊臺日月古朱闕煙雲通八桂凌清霜五芝敷惠風龍湫懸素練石梁跨青虹眷茲

穹隆境棲遯繁靈踪應真躡寥廓王喬覲天宗之子獨
長往吟嘯華池中清緣永相結暢矣發遊蒙

灤縣行

入城半里無人語枯木寒鴉幾茅宇蕭蕭酒肆誰當壚
武清西來斷行旅縣令老羸猶出迎頭上烏紗半塵土
問之不答攢雙眉但訴公私苦復苦雨雹飛蝗兩傷稼
春來况遭連月雨綿城之西多草場中官放馬來旁午
中官占田動阡陌不出官租地無主縣中里甲死誅求
請看荒墳遍村塢

遊靈谷寺

夙駕北山好行行松徑深五陵春欲暮萬木晝長陰晝
壁猶雲氣枯泉但鳥音却嫌絲竹裏有負獨遊心鳥作谷佳

蘇督府

名祐字舜澤號穀原山東
濮州人嘉靖間宣大總督

井陘道中雨行

迢遞經恒野崎嶇薄井陘晚風吹雨過山色入雲青車
路愁方軌旗亭可建瓴太行真地險擬勒北山銘

曉發沁陽

歲暮亦云已驅馳方自今無朋孤獨夜多事萬方心積
雪緣山嶠橫煙隔浦林迢遙仍獨往寒色滿塵襟

贈張南垌度支

改服辭臺史持籌入計曹未酬南國志誰念左司勞
馬歸來蚤滄洲偃卧高寥寥張仲蔚門掩半蓬蒿

劉僉憲

名汝楠字茂才號南部同安人嘉靖間湖廣提學僉事

登岳陽樓

洞庭木落楚城陰寒雨蕭蕭暮靄沈平浦四臨堪極目
高樓一上欲沾襟湘君祠古煙波迴帝子空餘歲月深
不見臨流濯纓者空聞漁父扣舷吟

浦宮贊

名應麟字道徵號后巖無錫人嘉靖中官官坊贊善

登泰山

縹緲碧霞岑千秋秘玉文高寒晴亦雪空翠濕為雲石

勢參差動鐘聲隱見聞茲遊攬奇勝直欲絕塵紛

還山宿聰上人房

浪跡金門路棲遲祇樹林青蓮開法社白雪淨禪心漸

與市朝遠猶憐山谷深從茲謝塵事玄度日相尋

謝中丞

名東山字少安號高泉子射洪人嘉靖中都御史

書呂令風木卷

狂飈殷地發高樹拂枝低却怪遠遊客思親行路迷重
茵季路嘆把劍臯魚啼我亦慚為子舍毫不忍題

周太霞北來始悉升菴翁蓋棺事悲紀二首

昆明池上木蘭橈一幕青天映錦袍落日詩成還寄我

空傳白雪和歌勞

金馬碧雞吟未歇風輪泡影思何玄秋空鶴馭華陽國

夜月神遊洱海船

曹光祿 名大同字子貞號于野南通州人嘉靖間光祿署丞

登燕子磯次韻

百壘蒼屏一徑通背巖亭子枕江雄歸雲擁樹藏深寺

峭嶺連城上逼空萬戶煙花晴照裏六朝興廢水聲中

閒情徒倚虛明界鐘磬蕭蕭落晚風

侯方伯 名一元字舜舉號二谷浙江樂清人嘉靖中江西方伯

和沈青門旅中園居二首

拙宦誠何事端居且避喧逢君青眼客時款綠蘿軒阮

籍祗長嘯孫登無一言芳春去已久兀兀在中園

問子棲何定悠悠出浦雲曾邀遼海月獨拜武夷君夜

氣藏玄札雪書辨赤文誰言居鄭圃已覺離人羣

答青門用韻

信有墻東隱依然安邑居草生康樂夢池入右軍書道

論超非馬遐心賤得車因君協微尚吾意欲焚魚

舟中聽梅文器彈琴追憶張甌江

阮籍劉伶蚤閉關詠懷詩句滿人間空遺招隱淮南山

零落當年大小山

王司馬

名崇古字學甫號鑑川山西蒲州人
嘉萬間太子太保兵部尚書兼副都

送吳霽寰歸江南

悠悠春已暮長風吹遠天河橋楊柳色與子暫留連別
酒莫辭醉去去即言旋念我平生親三五隔風煙豈無
長相思遠道不可傳願君崇令德相期以百年

大河吟西夏作

大河西南來源海泄星宿伏見經胡天蕃夷界河右湧
入積石關奔濤幾回渡一曲下臯蘭再曲轉北顧環帶
朔方軍胡馬滋飲漱南旋下壺口五曲經雷首予本龍
門裔家世河中路幼懷望洋心夙負臨淵懼早歲訪河

汾世業思馳鷺中說有遺編丘隴無餘寶及壯渡孟津
獻策青雲附分符過延津皖汝曳黃綬遡流下江准入
海嗟非故返棹浮呂梁徐沛鯨波怒歸沿大行顛首陽
返故步奮起越蒲津十載經三輔涇渭每窮源滄灞時
馮渡遠遊濟靈武夾河戒烽堠胡營據河灣駝馬牧山
後借哉禹跡熄有美唐功厚開渠引餘波千家資耕耨
鑿冰列凍垣胡騎絕馳驟澆沃夏國田壅泄蘭山秀逝
者今古同經涉紛所遇何當陟崑崙直探銀河注一挽
浮海情頓謝乘槎繆千載頌河清永絕河邊戍

得友人瓊州書

續國朝卷四
萬里投荒客三秋鴈北來書傳疑是夢愁結若爲裁瀚
海波濤偃瓊山瘴厲開懸知 明聖世應許逐臣回

秋日宿友人鄰山書屋

愛爾鄰山屋幽懷寄薜蘿白雲擁戶近綠樹入簾多雨
過千峰色風回萬籟歌夜深秋意靜渺渺見銀河

別離難

別離難長安九月秋風寒秋風吹落薊門柳離人對之
摧肺肝憶昔辭家事遠遊昆弟送我嶺山頭相看一杯
未及飲離魂欲斷雙淚流歸來伯仲不相待舊業惟餘
我兄在翻思祖德遠貽謀寥落家門增感慨丈夫不遇

緣數奇我兄五十猶布衣著 前卅河汾野行吟甘茹
首陽薇三年抱玉遊京國爲憐骨肉遙相憶征鴻幾度
復南還渺渺長空動秋色人生出處會有時我兄晚成
當在茲遊經萬里同司馬賦就三都見左思今朝把酒
送兄歸愁見鶴鷁原上飛念我遲徊留 帝里思兄何
日到庭闈清霜匹馬行山路孤舟涼月黃河渡吁嗟此
別不勝情離歌欲歇白日暮

庚戌九月將赴金陵夜泊廬陽聞虜犯近郊識感
江上初收雨嚴霜已渡河漢兵聞出塞胡騎竟如何鴈
陣凌秋盡笳聲入暮多武陵遺曲在慷慨不成歌

田兵部

名汝棟字深甫號莘野汴梁人嘉靖間兵部司務

御苑秋砧

露結金扉冷霜凄繡幕深
寒羅出素手
槩月響清砧
高入宮雲斷
低隨閣漏沈
無言爲誰苦
永夜助蛩音

強德州

名仕字甫登號綺勝無錫人嘉靖間山東德州知州

江上曉發

日出月猶在
蒼茫野色開
語喧知市近
風急聽潮來
一片征鴻影
江帆相逐回

咏向長

子平謝累辟
雅志在隱居
乏食或有饋
取足反其餘
讀

易深自悟世界等蘧廬
謂貧富不及謂賤貴不如勅
言婚嫁畢家事毋關余
同好有禽生肆意相與娛
五嶽遊躅徧高風映簡書

咏王霸

儒仲有清節始亦赴徵命
造廷抗高辭不肯臣
萬槩歸來事躬耕蓬蒿掩門
逕翩翩故人子相過容服盛
一念兒曹羞客去卧不應
賴有賢婦言不失初守正
嘉遯遂終身清輝兩相映

咏梁鴻

伯鸞古賢人乃在杵臼間
夫婦共守志逃名入深山
舉

駱翰編
案每齊眉睢鳩兩關關淒涼五噫歌東出辭 帝闕齊
畧復荆吳長往遂不還為傭豈無勞顧已少外患終葬
烈士旁高風邈難攀

駱翰編

名文盛字質甫號兩溪浙之
武康人嘉靖間翰林編修

戰城南

胡風衝塵蔽天黑曉戰城南暮城北城南披靡城北辟
易將軍素號萬人敵一朝遇虜心膽慄何況疲兵與羸
卒君不見黃金鑄印空纍纍城邊白骨翻成堆

郊居

紅葉江村路高秋病客居雨荒門外草蟲蠹篋中書籬

菊開還落巖雲卷復舒息機吾豈敢身已渾樵漁

鄔憲副

名紳字佩之號南涯潤州
人嘉靖間四川按察副使

宿良鄉天王寺

驛路絕浮埃城闈寶殿開諸天朝 魏闕六道接燕臺
珠樹鶴飛去金蓮龍駕來晨鐘促征客結駟入蓬萊

送嚴節推之楚兼簡吳黃州

別君何所贈文賦愧相如白下雙龍劍斬陽一鴈書寒
江夏口淺落木郢城踈傳語齊安守無勞嘆索居

謝公子東園餞別

芙蓉別館接龍樓曉日氤氳佳氣浮青嶂盡教紅樹遶

碧江翻向錦屏流東園公子開芳宴南國仙郎賦遠遊
此地令人不惜醉更看華月滿 皇州

同在黃門阻風柰源

金書玉節向 皇家畫鷁朱幡駐白沙柳堰東風紛舞
絮柰源流水亂飛花雨中林壑僊人宅雲外旌旗帝子
車勝地祗今多寂寞與君對酒莫長嗟

陸盧龍

名果字原仲號雲濤無錫人嘉靖中官盧龍令

山日齋自咏

雲影參差過硯池滿牕新綠雨絲絲郡庭三日無嘒喚
寫得當年瘦馬詩

夜泊松陵有懷友人

夜泊吳江星斗寒驛樓新月漏聲殘酒醒篷底還開戶
春去林空莫倚欄抱朴已甘居委巷獻書方悔到長安
莊州太守膠州伯一在林泉一蓋棺

王侍御

名瑛字汝玉號石沙無錫人嘉靖間侍御

過沙嶺

迴嶺依雲起雙旌拂雨過村村花稍發樹樹鳥還歌野
潤平沙合煙滋漫草多驅車時一憩山郡報民痾

潮平濯足

潮落晴江風不生乘春小試踏莎行亦知不是紅塵足

却喜滄浪愜野情

華比部

名雲字從龍號補菴無錫人嘉靖中南京刑部郎中

題畫巫門夜雨

少月邑侯索賦

長空望不極蒼茫渺湘浦隔嶺暮猿嘯帆落巫門雨溟
溟連遠天風急蛟龍舞少焉秋濤平高歌醉漁父

荆溪舟次寄荆川太史

時約履菴同會于河橋不至

林卧殘暑微秋高葉未下荆南突千峰鬱鬱若相近對
之懷古人徘徊不能舍儻獲接寤言願以中懷寫白雲
何悠悠輕翼安所假愆期徒詠思水木澹雲野

送盧浮丘山人遊王屋

昔時擁傳經河北王屋星壇在望中秋草幾年思舊路
暮雲千里憶征鴻陰晴忽變清虛洞牛斗中分日月峰
翹首僊臺如隔世送君恨不與君同

秋日同文三橋諸君山中之集

白社通初地高居事事幽登臺環樹影欹枕落泉流野
酌自成興清歌復倡酬歸鴉繞林外談劇未能休

何少叅

名汝健字體乾號龍崖無錫人籍金陵嘉靖中官浙江少叅

春日華秀才招遊冠龍山居和顧九華明府韻

尋山陟高閣共憩冠龍林叢薄花交暗芳臯翠積深清
尊浮臘蟻喬木嘒春禽愜意時延賞翛然生遠心

早春過顧使君春草閣

柳色日吹綠東風忽來茲閣中揚子草池上謝公詩薜
作林衣暗雲歸峰帶奇西濠新月白廻望去猶夷

毛濟南

名起字潛賓號青城夾江人嘉靖中官濟南太守

叅伯澄齋張丈遊依鳳寺不獲奉陪因寄

蘭若諸天近松杉一逕深風幡動空籟雲蓋結重陰嶺
上蘇門嘯林中叔夜琴同懷不同賞相遲寫瑤音

江行雜詠

白雲不下山只結青林友如何出幽谷又與煙波偶

陳隱士

名東川字朝宗號近思子無錫人

晚次虎丘

海湧山前暮維楫涼風蕭蕭下山葉綠崖碧殿生夕陰
梯雲石磴捫蘿躡翠挹浮嵐乍有無劒池龍氣還噓吸
蛾眉往蹟成劫灰榛莽荒丘空伯業胥江東流日夜聲
千古興亡嘆何及憑虛笑引雙玉甌山月侵衣露華濕

子夜歌

春風吹柳花輕盈襲羅綺飄飄蕩子心不渡湘江水
池涼雨浙浙水綠荷青青上有並蒂花下有雙魚行

鄧山人

名儀字文度號為山無錫人嘉萬間隱駱涇

姚丈見詒病懷之什次韻答贈

經時不出戶繞徑碧蘿侵曳屨迎人嬾翻書閉閣深辯
魚忘寤寐題鳳廢招尋老去一無累知君尚古心

九華顧丈臨池亭二首

使君休沐處雲卧武陵深落木餘寒徑高樓出遠林臨
池酬藻興畱客對花吟茲地足幽勝惟容二仲尋
臨池朝染翰君亦愛鶩羣石榻水雲里亭含花氣薰
山流勝賞蘭渚靄清芬好事堪築興空論白練裙

洪刑侍

名朝選字舜臣號芳洲閩之同安人嘉靖間刑部侍郎

奉陪鍾龍潭推府登眺亭戰龍松勝處

訪古來陪騶馭遊層層危磴似登樓亭前怪石字還倒

相傳有倒書二字并戰龍松三字

巖下雙龍戰已休帶雨山泉鳴滴瀝

吟風庭樹響颼颼歸來清夢猶相繞共嘆高車不可留

范學憲

名惟一字于中號中方松江華亭人嘉靖間副使督學兩浙

挾瑟上高堂

趙女倚新妝含顰緩上堂徘徊猶按瑟顧盼轉生光初
調凌宮徵流徽引鳳凰停絃且莫竟只恐斷人腸

春日同劉光祿徐學憲陳少叅過天寧寺遇覺公

出城猶未遠入寺已蕭然覺處諸天淨空邊一塔懸香
花飛逐客幽鳥語叅禪况復逢玄度支公有勝緣

楊進士

名鉅字晉夫號鷺山武進人嘉靖中鄉進士

明妃怨

自小賦閑麗何曾窺戶闕十七獻君王無由奉顏色一朝嫁單于遂棄父母國迢迢向飛狐脉脉祁連北不及南來鴈雌雄兩相逐馬上聞邊聲爲君轉於抑寵非君所移命豈君所逼妾生自薄命丹青恨靡忒永夜月同孤琵琶寫心臆

都下送顧九華下第還吳二首

十月繁霜樹影踈聞君歸去意如何清才自信多賓薦逸興翻能憶舊廬楚岫寒雲橫獨鴈潞河春水足雙魚試歌黃閣空江賦不待韓公再上書

疋馬蕭蕭遠道寒問君何事去長安吳中久讓相如賦日下應彈貢禹冠世路紛紛悲道拙交游零落嘆才難到家艤棹梁溪曲題得新詩蚤寄看

張貢士

名廷臣字元忠崑山人嘉靖間鄉貢士

七夕方太常邀遊蓮塘分韻

已識江湖卧能無歲序情逢秋招野客落日看雲生漢女大堤曲吳姬雙槳行懸知靈鵲渡還傍少微明

送周別駕

陶令歸來日潘生拙宦年主恩三峽外鄉夢一燈前家在松雲逕人歸花雨天使君江上別惟有月隨船

馮汝強 名惟健字汝強臨朐人

姑熟道中

煙起樹亦暝水生江岸窄夜來別故人風雨最蕭瑟

李千戶

名用晦字元昭號响嘯山人浙江人僑居靈隱

送周虛巖歸吳門

返棹歲將晏離亭酒亦深島雲寒沒影江日凍生陰莫惜飄蓬跡應傷折柳心丘中誰共調徒自理鳴琴

曉起

篠徑綠雲陰山堂黃葉深殘星垂遠水初日上高岑嬾去看龍劔閒來理鳳琴莫言婚嫁事非是向平心

結襪子

世態人情薄如紙平原倏忽風波起那知筵上絕纓客匹馬橫戈為君死

王山人

名叔承字承父號崑崙吳江人

百舌

東風枝上動一鳥鳴芳林報曙憐千轉調春恍百禽夢殘疎雨歇聲斷落花深只恐迷青帝簧言巧不禁

入越觀潮同陳濟之諸子石門雨宿

孤帆下石門旅宿暗秋原兩岸蘆荻雨幾家桑柘村酒堪今夕醉心與故人論此去錢塘近江潮引客寬

羅山人錢員外
宮詞二首

柳外鞦韆拂綺樓
舞闌初解翠雲裘
玉鞭夜踏桃花馬
萬朶銀燈照打球

長門一賦賣千金
可得君王舊日心
見說茂陵多薄倖
文君元有白頭吟

羅山人
名鹿齡號海岳金壇人

龍泉寺

入谷疑山斷
重蘿覺路懸
瀑流分萬壑
香逕上諸天
莫怪稀人跡
都由選地偏
何須風作馭
吾意已泠然

錢員外
名萱字懋孝海鹽人嘉靖間禮部員外郎

聞德慶命

東去三苗地
青門別舊游
雲鴻飛不到
山鬼晝長遊
古樹千峰迴
懸崖五月幽
重看回首處
春雨遍郊丘

朱光山
名永年字仲開號荆溪揚州人嘉靖間光山縣令有朱仲子集

春日同象安過芝谿別墅

芳草經時綠
沈冥獨閉關
白雲生戶外
流水到花間
林筵春前笋
窻含雨後山
寥寥雞犬寂
疑是入商顏

田園雜書

落葉能堆屋
飛花解滿牀
塵封窺鼠迹
書暗借螢光
臥石披雲墜
風雪拂水涼
科頭楊樹下
白眼似嵇康

送谷明府還歷下

高才脫畧漢公卿何事依依意未平常共閒雲棲古寺
獨騎羸馬過荒城關河水帶春潮綠驛路山橫暮雨晴
稷下風流勝文藻為余長揖謝諸生

李比部

名先芳字伯承濮州人嘉靖間刑部郎中

送桑少尹赴平涼

漢家徵猛士結束事平涼佐郡車隨雨防邊劍有霜關
雲經隴斷渭水入秋長予亦遨遊者相將餞北梁

對酒懷子充

長夏初過雨微涼泛濁醪宦情醒處澹世故醉中逃同

病無書至孤雲有夢勞不知嵇叔夜何以絕山濤

劉玄子

名黃裳字玄子不詳里

寄淨居山融上人

高棲無所住空翠卧雲松花湛九塘水經傳七井龍澹
心隨浩月清夢到孤峰如遂東林約同聆谷口鐘

宋禮部

名延年字仁甫益都人嘉靖間禮部司務

遊靈谷寺

十里松陰一逕斜偶從林下聽三車山僧不斷爐中火
古洞能開象外花地入煙蘿埋虎豹山回靈谷隱琵琶
歸來漸覺諸天遠回首驚看鬢已華

王崑山

名用章字汝平號松雲祥符人嘉靖間崑山縣令

雜述

曝背臨前楹時寒氣猶和微風入庭樹落葉何其多深巷絕高軒幽寂同山阿蔣詔開三徑羊求數經過跂予仰光塵懷古一長歌

石湖

泛泛澄湖水蘭橈載酒樽青山看倒入白鳥任高翻積氣蒸吳市長波到海門他年解朱紱垂釣避塵喧

登吳山最高處

攬衣升絕頂浩渺訶天行青嶂自迴合丹霞時晦明日

晴三楚樹雲落九江城好御長風去泠泠遊太清

晴作沉

朱山人

名察卿字邦憲號象岡上海人嘉隆中嘗游吳楚間

寄謝茂秦

憶昔長安並馬遊醉來曾向酒家留風寒易水荆生劍霜落燕山季子裘白鴈廿年誰折簡青山何處獨登樓當時投贈驚人句風雨常生匣底秋

送王美人為尼

送入桑門去徘徊尚可憐蚤持髡髮戒因悟捨身緣鬢影藏心鏡桃花幻鉢蓮巫峯雲已斷偏得近諸天

趙文學

名綱字希大號省吾無錫人邑庠生

寄金陵遠上人

蕭寺昔追遊高僧有惠休竹間書偈別花裏聽經留月
落鍾山曉雲深楚樹秋懸知行坐處亦自想南州

徐文學

名渭字文長山陰人
庠生病狂獻賦下獄

有青藤書屋集三卷補遺卷
及逸稿文集

几上篇

呂師翁餉以彘肩為人所
攬時翁寓郡予在獄賦呈

鼎肉聞臺使生魚屬校人味珍宏梁指意到即沾唇王
霸知烏攫張湯掘鼠詢自憐如儿上念此益酸辛

白燕

閒庭盡日見還稀院院梨開去漸微別殿幾年埋玉匣
舊人何處認烏衣春風水面徒聞語夜月梁間好弄輝

安得姚家紅線縷却看片雪帶花飛

春日過宋諸陵

落日愁山鬼寒泉鎖殯宮魂猶驚鐵騎人自哭遺弓白
骨夜半語諸臣地下逢如聞穆陵道當日悔和戎

顧伯子

名允默字
崑山人

明妃怨

自隨胡騎去不復漢宮妝積裏聞吹角樓頭罷炙箠
看鷗射落時憶鴈書將塚草猶含恨難移陵樹傍

下第後過清涼寺

不逐金韉去偏來策蹇遊江山皆六代木葉是三秋落

林公子

日荒臺寂微燈古殿幽更從督井畔一愴景陽樓

王貢士 名溱不詳遼陽人嘉靖中貢士

朝天宮

百折煙梯繞石城天門冉冉傍雲行瑤壇過雨藤蘿淨
玉樹翔風鶴鶴驚煉藥欲分丹竈火步虛時聽洞簫聲
追隨空有盧敖杖婚嫁何時慰向平

夜坐

懸燈照清夜葉落堂下雨客醉已無言秋蛩自相語

林公子 名世璧字天瑞號彤雲子閩人

秋思

錦瑟瓊箏聲入雲誰家哀怨不堪聞懷人却望關山道
極目蒼茫鴻鴈羣蕭蕭鴻鴈歸何處雲海江天忽飛去
颯颯風吹菡萏華泠泠露滴梧桐樹年年風景轉淒涼
况復相思秋夜長起剔殘燈默無語潛然空自淚霑裳
秋夕先墳感懷

極目蕭條處連山漲白雲高丘殊峴首墮淚有碑文月
皎疎螢度天寒旅雁聞愁心將落葉茲夕共紛紛

汪山人 名顯節字子建鄞郡人嘉靖間隱于吳門

贈水南上人

淨業南洲上跣趺不計年錫依雙樹挂禪對一燈懸慧

汪山人

鄧徵甫
鳥窺香飯慈雲護碧蓮那知芳序歇華雨石龕前

鄧徵甫

名欽文字徵甫
號薇山江陰人

卧佛寺

佛卧何年起空山日月低花從開智慧樹幾長菩提世
事悲浮夢吾生待指迷白毫如可即香象渡來西

碧雲寺泉上懷少宰

乍到春猶淺重來綠已深住山僧解姓出世水無心池
月涵空相曇花落梵音遙知謝康樂幽意滿東林

洪光寺懷汝立陳丈

寺裏還藏寺山頭別起山磴盤千級上僧占一峯間秀

色杯前墮孤雲杖低還元龍負奇好惆悵不同攀

沈光祿

名鍊字子剛號青崖紹興人
嘉隆中贈光祿少卿死於諫

荅陳鳴野社友

十年赤縣頻爲吏一疏中朝便落官勞寄音書知夢在
細籌世路念歸難馬蹄最識邊沙苦鴈影猶驚塞月寒
詞客幸能憐旅况玉門應爲賦生還

哭楊椒山

紅顏一且傾者夫人
同日自盡故及之

郎官抗疏最知名玉簡霜毫海內驚氣作山河今卽古
光齊日月死猶生忠臣白骨千秋勁烈婦紅顏一且傾
萬里祗看遷客淚朔風含雪共吞聲



原件短缺

聞角

誰將清角月中吹格調分明出塞回莫遣胡兒聞此曲
翻憐漢將不窮追

張憲副名憲字誠之號餘峯嘉靖中山東副使

反明妃怨

明妃顏如玉並美荆山璞良玉翻為卞氏災三獻兩則
真可哀傍人共嗟妾薄命漢恩日遠胡日近妾心自安
妾命薄寵極不過貯金屋一朝舊愛移新人日影不及
寒鴉親豈如遠嫁單于王坐令烽息安邊疆君憐人命
重女色和戎自是一長策築城不須勞萬丁妾身乃是

張文忠

名字敬字茂恭永嘉人初名璉因同御諱賜今名字世宗朝歷官三少大學士贈太師

天津夜泊東吳兵備汝重

影動星河夜聲悲鼓角秋興乘誰訪戴道阻欲依劉未
得王師報能忘杞國憂孤燈對妻子聊復繫扁舟

聞當道諸公遊鴈山奉寄一首

海內衣冠集鴈山草茅無路得追攀山中定掃豺狼道
天下誰當虎豹關玉輦胡從瞻樂地金尊未敢破愁
顏江湖廊廟心相似莫道樵漁盡日間

用魏監州韻

磨下蹇何可懶牛羊已下來女獨無早晚生與伯樂不

同時驥足尚淹千里遠

唐中舍

名應運字子敬號念軒湖廣京山人萬曆間中書舍人

東武吟

四山落日穉冥冥西風泠泠江流深壯士出門髮指冠
 把酒重誦東武吟妻子牽衣不得留丈夫年少當封侯
 終童欲繫單于頸班生願斬婁蘭頭慷慨輕離別顧盼
 雙眸裂宛馬疾追風吳鉤明侶雪漢家天子重邊功幕
 南一戰王庭空西羌請置吏月氏盡求通笳鼓震三關
 旌麾拂賀蘭歸來報獲獻訶舞入長安白首公卿不敢
 揖賜爵掄封萬戶邑何如帳下老書生閉門空抱荆山

泣

燕訶行

輕風嫋嫋蕙蘭芳高臺曲榭黃金堂雕檠寶炬列輝煌
 博山火足蘇合香肴珍膾鮫魚孤鶴盪杯玉斝文兕觥
 青樽淥豆寒蔗漿哀絲繁管流清商衆技雜嚶聲鏗鏘
 東隣年少邯鄲倡被服白縠翠雲裳帶鞶孔雀紆流黃
 飄若驚鴻起傍徨婉轉素領回清揚鬱陶思君不可忘
 報以南國雙明璫銀漢耿耿夜未央牽牛織女遙相望
 欲往從之河無梁來日苦短去日長朱顏幾何髮已霜
 及時進酒爲樂方不覺東方明曙光

張光祿

見前卷十

送公瑕歸吳門

紅亭綠酒醉離筵去鷁浮空儼若仙
楊柳如烟聊可贈
桃花帶雨亦堪憐
春風自得還山計
雲霧猶函登岱篇
未識昭王捐館後
他年曾復士歸燕

送侯侍御清軍江右便道歸覲

使君持節肅江濱
畫鷁遙從吳楚分
堂上綵衣全是繡
爐中香氣半為雲
虎頭遠募欽飛士
豹尾新添龍武軍
若到豐城求寶劍
漫依牛斗辨星文

送黎維敬奉告歸嶺南

別後誰從秘省尋
掖垣深鎖碧梧陰
暫辭丹禁仍簪筆
欲買青山有賜金
雲樹千重勞悵望
星槎萬里繫歸心
相思莫道無鴻鴈
庾嶺梅花好寄音

邵山人

名正魁字長孺號靈均休寧人嘉萬間常游都下

趙巡檢罷官歸餘杭賦此贈之

一為抱關吏斗祿亦君恩
直道本難合微官安足論
升沉吾意定翻覆世情存
故國多芳草青山好閉門

訪盛仲交不遇

長安知姓字每憶子雲亭
郢雪憐同白吳山恨隔青
過都能不訪叩戶已先扃
采藥知何處無由得聚星

通州宿潘雲卿芳潤園同葉茂長作

丈夫有知己豈必素交親尊酒憐肝膽烟波共隱淪孤
燈殘雪夜寒樹早梅春對語不能寐鷄聲欲及晨

李司馭

名生時字孝甫號遇齋郵
縣人萬曆間太僕寺主簿

書錦棠郭藝久志有嘉樹
樓吟李郭詞曰太學生官太
僕主簿

簡嚴給舍憂中

芙蓉宮闕下梧竹掖垣深夜月同燕市雲霄隔鷺林如
何青鎖客忽抱白雲心便欲從君枉余應愧盍簪

寄孫大叅晉陽

何許風塵隔襜帷自五原紫微方岳重奇瑣侍臣尊榆
次經文水桑乾入鴈門晉中多俠氣清嘯憶劉昆



